

Fasnacht 2022

Blagèèri'



e VSG Bangg

Gege Corona duets jetz Impfige gää
E Serum ka däm Übel dr Schregge nää
S' goot nit yberall do kasch flueche und schimpfe
Gege e Ziirischnuure kasch aifach nit impfe

Dr neyi Stadtpresident dr Beat Jans
Verspricht fyr Basel wiider neye Glanz
Dr Fortschritt jo dä seht e jeede
Dr Beat kaa aifach viil besser reede

Ob Koks ob Gras oder Extasy
So Saich wärfe sich die Junge ii
Abr s'diggschte isch jo do muesch loose
Wägere Impfig hän sie dr Gagg in de Hoose

D'Abfuhr und d'Schugger sind elektrifiziert

Bi dr Führwehr wirds au glii probiert
Im Roothus dien si Stromkabel verlegge
Zum Awäsendi us em Tiiefschlloof z'wegge

Bim FC Bayern wird das Johr gjublet wie bsoffe

Em Gerd Müller si Goolrekord isch ybertroffe

d'Ironie isch doo und mir hännns gnosse

E Pool hett äntlige retour gschosse

Wenns schleeglet und Stieel durch Gegend fliege
Muesch di bugge zum nytt an d'Birre z'kriege
Wenns schiesst und sticht bisch in kaim Krimi derbii
Das isch e Ussgang in dr Staine gsii

Kai Holz, kai Alu, kai Magnesium, kai lise
Wäg Corona isch yberall Krise

Do sait mini Alti voller Stolz

Vor minere Hütte hetts gnueg Holz

Fyr d' Affe im Zolli bruchts schintz Menscherächt

Mir wisse nitt isch das guet oder schlächt

Aigentligg sette si die Rächt bikoo

Im Roothuss hogge Esel und die hänn si schoo

E Fasnacht im Summer hett Vortail das muesch see

Machsch dr Cortége in dr Badi und nit im Schnee

Anstatt Mählsuppe löffle losch Sangria koo

Und passt Koschtym nimmi ,kasch ni de Badhoose goo

Dr Djokovic hett kai Visum bikoo

Drum hett är miesse Auschtralie verloo

s'druurige isch und das hett mi gschlucht

dass e Schwoob fyr Basel kai Visum brucht

Sit Pandora Papers diens alli wysse

Wär bschisse kaa duet bschisse

Dr Vinzenz vo dr Raiffaise lieegt alli aa

Und dr Ex-Papscht het vo Biebli kai Ahnig kaa

Wottsch au by uns bänggle?

Uff www.vsg-basel.ch erfahrsch meh!

Drugg: Amerbach'sche Druckerei, Muttenz



Fasnacht 2022

D'Schnaps bagge

E Basler Baizer hett e Idee gha, wie me e Virus ka vernichte, ganz bequem
E versüchte Geegestand in Baggoofe bi 100 Grad, das leest s'Problem.
Ha's probiert mit dr Schwiegeramsle, s'hett nit funggzioniert, y ka's nit verstoh,
die isch mit em genau glych hässige Stai wieder zem Oofe uusekoo.

Ych ha e alte Frind droffe; ouuuuh, hän mir uns lang nimmi ggeh!.
Mir hän is prächtig unterhalte Bimene Tässli Tee.
Und will me sich nit derf umarme, hämmer is nur beriehrt mit dr Fuscht
Aber als Zaiche vo dr Verbundehait hämmer denn d'Gsichtsmasgge tuscht.

Liebed ihr au Graubünden? D'Lyt sin sympathisch und au gueti Chrischte
Es hett sich jetzt aber uusegstellt, deert oobe lääbe schlummi Rassischte.
Wenn ich deert Ferie mach, teent's amme ganz unagnähm in de Ohre,
wenn e Bündner zue mir sait: «Ey, tschau, bis Moore»!

Ych bi jetzt neu kantonale Primate-Beuffdraite – ouh, hän die Freud im Zolli,
ych tritt fir d'Rächt vo däne Tierli yy und ha d'Verantwortig – die volli!
Jetzt hett dr Grossi Root zuesätzlich – ych ha's geschter de Affe verzellt,
mir au no grad d'BVB-Verwaltig unterstellt.

Wissed ihr, wär d'Sächsin isch? Wenn uff Allschwil kunsch, kennsch se grad,
oder d'Zähnin uss em Laimedaal, oder d'Achtin us em Neubad?
D'Zweiin us em Eglisee, vo däre muesch nyt welle,
ych ha au numme dschendergerächt welle e baar Tramlinie uffzelle.

Ych bi letschthi dur d'Stadt flaniert, die Freyi Stross durab, elai, ohni Kollege,
do kunnt mir doch uff halber Höchi soone Bättler entgege.
«Du mir geben Geld, ich arm, keine Frau», so hett är s'Gsprööch yglyttet.
Do sag y: «Kasch e Wuche **mi Frau** ha, denn waisch, was arm syy bedyttet.»

Dr vo Wattewyl hett zum Häbse gsait: «Los Alte, ych mach's do nimm lang,
Basilisk, TeleBasel, aber bi dir isch jetzt Schluss, das stresst mi efang.»
Wo das bekannt worde isch – hey, es isch woor und schriftlich begründet –
hän eppe 2000 Fraue bim Häbse-Theater s'Abo kündet.



Schnitzel Bangg

Ych mecht's Eych zerscht saage – ohni e Wangg mir sinn
kai Schnitzelbangg me, numme no'ne Bangg das Wort
«Schnitzelbangg» muesch jetz aifach vergässe
denn d'Bäffzgi hänn in dr Quarantäne d'Schnitzel gfrässe.

Im Baselbiet umzingled mi kirzlig e Rudel Wölf
ha aber kai Angscht gha, doch immerhin sinns scho 12
aber wo no dr 13. Wolf aane springt
hani doch no Angscht bykoo, will jo 13 Ungligg bringt.

Die Alte kemme wieder, au d'Gruppe ABBA isch wieder koo
und dr Gottschi vom «Wetten, dass...» isch au wieder doo
mer sinn's jo efang gweehnt, ass all dä Urzyt-Schund
im Schwiizer-Färnsee au allbott wieder kunnt.

Paarschipp losst in dr Wärbig verlute
es verliebe sich zwai Mensche alli 11 Minute
eb das em Bettfädere-Fischer und dr Frau Sadi gfalli
isch nit bekannt, aber mer hänn jo jetzt d'EHE fir alli.

In de Läde wird efang vill klaut und gstoole
wemme se verwitscht kunnt se d'Bolizey ko hole
wenn aber in dr IKEA ain klaut und no umme peeblet
wird dä in däm Möbelhuus aifach zimpftig vermeeblet.

Jetz selle d'Fraue in dr Armee neyi Glaider bykoo
s'Mässer hännns scho und e neu's Outfit wurd ne stoo
statt so dyri Klamotte könnt me au – ohni z'gschbasse
däne Grytte aifach numme e Tarnkappe verbasse.

Dr Federer hett's gschafft immene Globi-Buech z'stooo
und är hett's gschafft, Boscht hett en uff e Briefmargge gnoo
denn gitt's no e Federer-Drämmli, s'isch saagehaft
und als Hehepunggt hett er's no bi uns uff e Helge gschafft.

Mi Maa nimmt's gnau mit em Abstand yyhalte
aber är ibertrybts mänggmol – mi Alte
vor Allem wenn är zem Byyspiil uff's Hyysli goot
und bim brinze e Meter fuffzig vor dr Schissle stoot.

Es koschtet Millione, aber si laischte sich's ohni z'lyege

in dr Raggeete e bitz im Wältall umme z'flyege

mir laischte uns drfir langi Färnseh-Eebe mitenand

und luege «Eisenbahnstrecken der Schweiz» im Fyherstand.

Alli Pargglätz vor em Hörnli selle ewägg, die spinne

s'gitt nur no Duurpargglätz, y main die dinne

jetz muesch halt tschumple oder «mr sinn mit em Velo do»

und dr Bschtatter gsehsch mit em Sarg uff em Päggliträger ko.

De Affe und Primate will me s'Grundrächt gee
me vermenschlicht se eso und duet'ne «s'Tierli sy» nee
s'gitt zwar scho so vermenschlichti Affe wo mer kenne
das sinn die – wo sich sythär «Ziircher» nenne.

www.bäffzgi.ch



Drugg: Amerbach'sche Druckerei, Muttenz

Wottsch au by uns bänggle?

Uff www.vsg-basel.ch erfahrsch meh!

Fasnacht 2022



Liebi Lit, y ka Eych schwööre
3-G, 2-G, ka's nimme hööre
Zuo viil G, het's mi dungat

Uf dääre Wält passiere Sache
Mir händ zer Zyt nid viil zem Lache
Au wenn sich mänge gaar beschweer
Ämmel händ mir nid meh vo dr Greta

Sott Sichenhalt fü Ame Schande
Y waiss nid, was das sotti nütze
Es wurd nur dr Eric Weber schütze

Mir blyybe grad by de Affe
D'EU wott s'Wort Wiehnacht abschaffe

Wenn sy s'glycche mit dr Fasnacht machen
By letschi wiider byym Gwaföör verbyy
Äär froogt mi, waas daarf's das Mool syy
E kurze Schnitt, ganz e Schnälle
Uf jeede Fall, kai Duurwälle

Y has s'Drämlì-Museum bsuecht
Und nach eme beschtimmte Drämlì gsued
Uf das han i gwaartet, jeedes Mool
So gseen'i das Drämqli au emool

Iberaal die Massgepflicht
Es waiss doch jeede, wyt und brait
Ass me nid Massge, sondern Larve sait
Ha my Leerer als zem Wahnsinn dryybe

Hit fyyl y mi wie e Propheet
Y kenn s'ganze grieschisch Alphabeet

Wott y nid haim, und wott kai Stress
Schigg y mim Schatz e SMS
D'Uusreed isch albe ganz banaal

Findet sii die Uusreed nid so toll
Denn bring y dää mit em Auschtralische Zoll
Und nitze alli Uusreede kai Bitz
Loss y mi beroote, vom Djokowitz



Drugg: Amerbach'sche Druckerei, Muttenz

Fasnacht 2022



Noch Brexit isch Ängland jetz glyy emol stier,
und numme bim Johnson dehaim gits no Bier.

Do macht e Gorilla e ganz böses Gsicht.
Är stöht drum in Strossburg am Menscherächts-Gricht

Wenn dr Putin duet schloofe, das isch halt si Stiil,
denn waiss me: jetz sinn die Olympische Spiil.

Me macht seismografisch in Basel e Zellig,
denn bohrt me und s Ärdbeebe wird wider fellig.

D Bangg-Konto-Speese schlöhn jeedes Johr uff,
dr Scheff vo dr Bangg macht halt Speese im Buff

Dr Ex Papa Benedikt – bloost keim Prieschter dr Marsch
Aber tritt us Knabeliebe – de Missbruchte in Arsch.

Das Djokovicli- serbisch Göttli – mit de Gsundheitsmaröttli.
Statt Vaccinli Essigsöckli – jo, i weiss jo, jetz spöttli.

Petri Heil, Ueli Murer! – het au in dr Freizyt si Nische.
Am e See, wo er rundume – rechtsufrig cha fische.

En Ma mit sim Hund, – uf em Trottoir stöhnd sie,
De Sauhund mit Hund – losst en kacke, denn göhn sie.

Kai Impfstoff für die Schwarze, – nei mir wönd se nöd disse.
Aber s'isch halt so üblich – sone fein sprützte Wysse.

E Frau mit re Frau, en Maa mit nem Maa
Jetzt muesch bald es Schneggli und es Schnäbbeli ha

Quenn stellt ihri Söhn, ase ihre Hofzoo zur schau,
Ain mit Ohre wie d' Esel, und der ander e Sau.

Geg dr Macron dient d' Franzose sich wahnsinnig wehre,
sunsch kunnts no so wyt, dass sy Schaffe mien leere.

Me hasst alles Fremdi, au do in der Schwyyz,
Und Langsam wachse widr d' Högge am Chrüz.

Dr Alex Wilson würd sich gscheiter, dope mit're OVI
Er wär nöd schneller, doch immer no Profi

Dr Ueli Murer sympathisiert, mit de Trichler und mit Rechts
Emohl en Tritt i si Arsch, da wer gär nüt Schlechts

S losst d Hämorrhoid dr Köppel sich pfätze.
Die stören en nämmlig die ganz Zyt bim Schwätz.

Wottsch au by uns bänggle?

Uff www.vsg-basel.ch erfahrsch meh!

Drugg: Amerbach'sche Druckerei, Muttenz



ELFI-GLÖGGEL 2022

Note: 6*


Aufsatz Aufschafft

I sch kome ^h _{Ph} fon
nit hir! ^h _{ii}

Abär kein

X Sau merkt ^o
Kein schön Dier Pfan ^o
besser.

Wir müssen Hochdeutsch reden im Unterricht
Wegen diesem doofen Mikail
Denn Mundart, nein, das kann er nicht
Weil er das einfach nicht tscheggen will
Der kann kein Dütsch, das macht das Lernen schwerer
Aber er ischt nun mal unser Klassen-Lehrer



In dr Schuel hän mir heftig diskutiert


Goht me mit Gschäftslüt ins «Crazy Paradise»?

Äu dr Bsuech im «Pussy Cat» het uns irritiert


So wie das Meeting im «Red Lips», im kleine Kreis

Nennsch das schaffe und wirdsch empfange mit em Buse blank

Bisch ganz klar Chef vonere Somebank



Unsre Papi het emohl e Buuse ka
Vor sinere grosse Operation
Är isch jetzt unser Mami, und s Mami isch e Maa
So ischs inere Generation
Unsre Mops macht jetzt Stress, das dumme Vieh
Är will ab sofort e Goldfisch sii






Dr Charles hets gmacht, dir wüsset was
Mit andere Fraue umegschmuust
Äu sim kleine Brueder macht das Spass
Äu wenn's die Meitli zimmlig gruust
Dr Endrew wär zwar adlig, aber wie «Kunz» und «Hinz»
Däntkt äu er nur mit sim glaine Prinz



Unsre Papi het ganz heftig gschimpft
Mir hänn bim Spiele kei Abstand ka
Mir sinn nit gnese, teschtet und nit gimpft
Drum fluecht är uns so richtig aa
S Mami seit zum Papi: „Due nit so schwierig, Peter
Du behauptsch sälber das sin Anderthalb Meter“




Wenn's kötzelet und miffelet
Wenn's gottsjämmerlig grusig stinkt
Wenn's jähselet und kiffelet
Wenn's di hoorscharf zum Körble bringt
Wenn's seichelet und schisselet, igit, igit
Isch e Chromschtahlpissoire nümi wit



Bi uns chasch ungstroft Gsetz verletze
Unbewilligt demonstriere
Lärme, Spraye, Hüüser bsetze
S Drämmli und dr Bus blockiere
Voll OK isch s Begrabsche vo Polizische
Aber hesch kei Liecht am Trottli chunnsch in d Chischte



Unsre Brueder jä, dä isch verknallt
In e blondi, schlanki, glaini
No wohnt är dihei, wird 18 bald
Doch e Zukunft hän die beide keini
Är liebt sie nur platonisch, das isch öbbe so
Wie nach Australie z'go und s Racket ipackt loh



Mir mache bi dr Firma BELL gli e Schnupper-Leehr
Schwiinsfiess und Rippli in allne Laage
Schinke und Spägg liebe mir so sehr
Ringelschwänzli und Schwartemaage
Haxe und Buchfett, isch was mir wänn
Sit mir em Papi bim Dusche zuegluegt hänn

Wottsch au by uns bänggle?
Uff www.vsg-basel.ch erfahrsch meh!

Drugg: Amerbach'sche Druckerei, Muttenz

